

Euskal Herriko Ahotsak
ahotsak.com

Aiherra

Aurkibidea

Udalerria: Aiherra

Sarrera



- **Biztanleak:** 987
- **Euskaldunak:** %17,28

Ahotsak.eus-eko datu orokorrak

- Hizlariak: **2**
- Zintak: **1**
- Pasarteak: **36**
- Transkribatutakoak: **1**
- Audioak: **0**
- Bideoak: **36**

Proiektuak

- Gazte gara gazte

Hizlariak

Leire Barbier (1988)



Leire 1988ko irailaren 30ean jaioa da, Baionan, baina Aiherran bizi izan da betidanik, ikasketen egiteko Pauen eta Bordelen egonaldiak egin izan dituen arren. [Samuel Biscayrekin](#) batera elkarrizketatu genuen garaian, ordea, Hazparnera bizitzera joan berria zen Leire. Aiherra ondo-ondoan da Hazparne. Aita Aiherrakoa eta ama Ibarlakoa ditu. Bi senidetan zaharrena da eta Luhuson ari da lanean, Frantziako eskola sare publikoko euskara irakasle moduan, lehen mailan. Aiherrako Herriko Etxean egin genion elkarrizketa, eta sei hilabete pasatxo zeramatzan orduan bertako hautetsi karguaren jabe. Hizkuntza kontuei buruz (tratamenduak, etxeko ohiturak...) eta Aiherrako zein inguruko gazteek aisialdian dituzten joeren gainean jarduten du, batez ere.

Samuel Biscay (1988)



1988ko martxoaren 24an jaioa zen, Baionan, baina Aiherran bizi izan da betidanik, eta Aiherrakoak ditu ere ama eta aita. Hiru anaiatan gazteena da eta kontablea da lanbidez. Elkarrizketa egin garaian hautetsi izendatu berriak izan ziren (2014ko martxoan) Aiherrako Herriko Etxean, bai Samuel eta bai [Leire](#), Samuelekin batera elkarrizketatutako laguna. Hizkuntza kontuei buruz (tratamenduak, etxeko ohiturak ...) eta Aiherrako zein inguruko gazteek aisialdian dituzten joeren gainean jarduten du, batez ere.

Pasarteak gaika

Herri honetan landu eta transkribatu diren pasarteak, gaika antolatuta.

1. Euskara

1.1. Euskara gertutasun zeinu

- **Hizlaria(k):** Biscay, Samuel
- **Elkarrizketatzailea(k):** Errazkin, Aitor
- **Erref:** AIH-001/010
- **Iraupena:** 0:01:25. **Hasi:** 00:09:43. **Bukatu:** 00:11:08
- **Multimedia:** bideoa online ikusgai
- **Gaia(k):**
Euskara
Euskara » Euskararen egoera
- **Laburpena:** Samuelek nahi luke euskaraz gehiago egin lanean. Kontuegilea da bera, eta argi du bezeroekiko harremana gertuagokoa dela, euskaraz denetan.

Transkripzioa

- Zaila...

- S: Zaila zen ta... lana bera eskuara ez da bate bariatua. Nik... antzatzzen naiz, bazen ta ere, kontable niz, beraz ditut bezero... klientak asko, anitz, eta horietan badut bat baino eskualduna. Eta berarekin, aldi guziz deitzen dutalaik hitzordua edo berarekin eskuaraz. Zeren ta badaki ere, ta... usaia hartu dut berarekin itea eskuaraz. Mais beste guziak, eta ari naiz... dira Angelu, Miarritze, Baiona... ez dira, ne ustez ez dakite ere eskuaraz, eta beti antzatzzen naiz beharbada hitz bat usatzea eskuaraz mais...

- Eta zuk nahiko zenuke errealitate hori aldatzea?

- Bai. Bai, zeren eta nik gainera ofizio hori biziki gustuko dut eta nere ustez eskuarak ekartzen ahal du ofizio hortan, zeren eta eskuarak beste harreman bat ekartzen du jendeari. Ne ustez konfiantza bat da kontua gehienbat, eta ne ustez eskuara sartzian konfiantza gehiago hartzen dugu zeren eta sentitzen dugu hizkuntza bera dugula eta eskualdunak girela. Frantsesak ez din... frantsesa da... denek baliatzen dute frantsesa, ez du holako... Beraz hori nahi nuke, bai. Esan liteke bainan ez ditut nik ene klientak hautatzen. Hartzen ditut ukaiten dituztanak.

Transkripziorik gabeko pasarteak

Ondorengo pasarteak gaika landuta eta kodifikatuta daude, baina oraindik transkribatu gabe.

1. Etxeko hizkuntza giroa (AIH-001/004)

Aitarekin euskaraz egiten du Samuelek; amarekin frantsesez errazago, euskaraz baino; eta anaiekin bietara. Lantokian, geroz eta gehiago egiten du euskaraz. Leirek euskaraz egiten du etxean, baina hortik kanpo, lanean eta lagun artean, parean duenaren arabera. Lagun talde bereko parte dira Leire eta Samuel, eta euren artean euskaraz egiteko ohitura badute ere, euskaraz ez dakien lagunik bada, frantsesez egiteko ohitura dute.

2. Aiherrako hizkuntz errealitatea (AIH-001/006)

Herri euskalduna da Aiherra, baina bada zertan indar egin, Leire eta Samuelen ustez. Eurak hautetsi lanetan hasi aurretik ez omen zen herriko etxetik euskara sobera bultzatzen. Orain, aldiz, asmo horrekin dira, beharra ere sumatzen baitute.

3. Eguneroko martxa (AIH-001/008)

Samuelen eta Leireren eguneroko martxan lanak asko baldintzatzen du zein hizkuntzatan egin. Leirek, irakasle izaki, euskaraz aritzeko aukera gehiago ditu Samuelek baino.

4. Lagunartearekin asteburuetan (AIH-001/012)

Leire eta Samuel asteburuetan biltzen dira lagunartean, batez ere. Hazparnen bildu ohi dira, gehienbat. Hazparnen zita egin eta asko mugitzekoak dira: Itsasura, Baionara, Garazira...

5. Besta egiteko tokiak eta ohiturak (AIH-001/013)

Baiona ttipira joateko ohitura dute Leirek eta Samuelek. Euskal giroko taberna gutxi omen da bertan. Dantxarineako Nuba dantzalekura joateko ohitura ere bazuten, garai batean, eta gaztetxeetako giroa ere maite dute; tartean, Hazparneko Ttattola aipatzen dute.

6. Gazteen artean hainbat joera euskararekiko (AIH-001/015)

Euskarari dagokionez, hainbat joera sumatzen dute Leirek eta Samuelek euren inguruan; euskara ikastera barnetegira joandakoetatik hasi, eta, euskaraz jakinagatik ere, lagunarte erdalduna izaki, euskara galdu edo baztertu dutenetaraino.

7. Hizkuntza ohituren pisua (AIH-001/016)

Euskal Herri guztian bezalaxe, Leirek eta Samuelek lan gaitza irizten diote zenbait pertsonekin eraikitzen ditugun hizkuntza ohiturak aldatzeari. Inguruan adibide frango dituzte.

8. Erramoldeak eta umorea (AIH-001/018)

"Ze gauza", "izigarri" eta "sobera" asko erabiltzen dituzte Leirek, Samuelek eta haien inguruko hainbat lagunak. Euskal hitz eta espresioak dira, baina hainbat eta hainbat egoeratan erabiltzen dituzte, eta batzuetan, baita oker erabili ere (nahita, beti ere), lagunartean umorea egiteko; esate baterako, "sobera bikain".

9. Hitz larriak. Sakreka aritzea (AIH-001/020)

Samuelek aitari jasoak dizkio euskaraz hainbat hitz larri. Biraoka aritzeari sakreka aritzea esaten diote. Leireren amak "ments" hitza asko erabiltzen du. Gazteen artean, joera, hitz larriei dagokionean, behintzat, euskaraz abiatu bai, baina "zerrendak" frantsesez amaitzea omen da.

10. "urdea" bidean galdu da (AIH-001/022)

Hitz larri eta irainei buruz ari garela, "pitoa", "astapitoa" edo "debru pitoa" ohikoak direla ohartu gara, baina "urde" hitza, gurasoei entzuna badiete ere, Leirek eta Samuelek ez dute iraintzeko erabiltzen.

11. Xuka aritzea (AIH-001/024)

Leirek eta Samuelek etxetik jaso dute xuka hizkera moldea. Euren iritzia ematen dute tratamendu honi buruz. Leireren kasuan, esaterako, haur ttipien irakasle izaki, buruak ez dio agintzen haur batengana zuka zuzentzea; xuka egingo dio beti. Etxean ere xuka egiteko joera du Leirek, baina lagun artean zuka aritzen da, gehienbat.

12. Toka eta noka (AIH-001/027)

Leireri aitona egiten zion noka. Geroztik beste inork ez. Urepeleko lagun batekin eta Garaziko ikaskide ohiekin toka aritzeko usaia du Samuelek, baina neskekin beti zuka aritzen da; sekula ez noka (gaztetan bazenik ere ez zekien).

13. Umorea egiteko tratamendua zein euskalkia aldatu (AIH-001/028)

Euskal Herri guztian bezalaxe, Aiherratarrek ere badute tratamendua eta euskalkiak umorearekin lotzeko joera.

14. Baxe Nafarroan "xiberutarrez" (AIH-001/029)

Leirek ikasleekin erabiltzen duen ikas materiala batuan zein xiberutarrez lantzeko prestatua omen da, eta Leirek aprobetxatu egiten du aukera hori bere ikasleei xiberutarra entzutera eta irakurtzera emateko.

15. Xiberutarrez trufaka (fedez) (AIH-001/030)

Xiberutarrak imitatzeko "prefosta", "haboro" eta "ü" bokala denean ematearekin aski da.

16. Hegoaldeko trufaka (fedez) (AIH-001/032)

Betidanik antzeratu izan dituzte hegoaldekoen mintzatzeko manierak; umorea egiteko bide izan dute beti.

17. Hitz gakoak (AIH-001/034)

"Untsa", "beraz", "xarmanki" eta "bikain" dira Samuel eta Leirek gehien erabiltzen dituzten euskal hitzak; eta frantsesetik hartua, aldiz, "xanpiona"!

18. "z" eta "x" soinuak bereizten (AIH-001/036)

Soinuak soinu eta fonemak fonema, euskalki guztietan egiten den bereizketa da Samuel eta Leirek aipatzen dutena, baina euren usu egiten omen dute "z" eta "x"ren bereizketa, hala hitzaren esanahia eta zentzua zehazten dituztelarik.

19. Xukaren transmisioa (AIH-001/037)

Xukaren transmisioa ahozketasunean oinarrituta dago hein handi batean, baina Izpura eta Garazi inguruko ikastetxeetan ere irakasten dela edo, bederen, irakasle batzuk ikasle gazteekin erabiltzen dutela dio Leirek.

20. Euskara batua haur hezkuntzan (AIH-001/039)

Leire haur hezkuntzako irakaslea da, eta haurrei euskalkian egiten irakasteaz gainera, euskara batuko hainbat forma ere irakasten dizkie.

21. Euskara batua I (AIH-001/040)

Samuelek eta Leirek beharrezko ikusten dute euskara batua, baina euren euskalkia jartzen dute haren gainetik, mintzatzeko garaian, batez ere.

22. Euskara batua II (AIH-001/041)

Gazteek geroz eta gehiago ezagutzen dute euskara batua. Samuelek Antton Lukuk Garazin kontatutako pasadizoa dakar gogora.

23. Euskal Irrati Telebista (AIH-001/043)

Samuelek eta Leirek txikitan begiratzen zioten euskal telebistari, baina gaur egunean ez; batez ere, telebista digitalak aukera hori eskaintzen ez dielako.

24. Irratia euskaraz (AIH-001/044)

Autoan irratia euskaraz entzuteko ohitura dute Smuelek eta Leirek.

25. Erramoldeak eta umorea II (AIH-001/046)

"Aluia" eta "astaputza" hitzak ere erabiltzen dituzte; eta baita "Jesus, Maria eta Josepe" erramoldea ere, irri egiteko. Leireren ustez, euskaraz ez da nahikoa hitz "gaiztorik".

26. Telefono mugikorra (AIH-001/048)

Sakeleko telefonoari mugikorra esaten diote, eta euskaraz zein frantsesez aritzen dira idazten. Garai batean, SMS mezuen garaian, frantseserako joera gehiago zuten, errazago laburtzen baita. Egun ez dute hizkuntzaren arazorik, eta hitz guztiak osorik idaztearen aldekoak dira.

27. Erdaldunekin euskaraz (AIH-001/050)

Erdaldunekin izaten dituzten hartu-emanetan beti saiatzen dira keinutxo bat egiten euskarari.

28. Hegoaldean lehen hitza euskaraz (AIH-001/051)

Hegoaldean lehen hitza euskaraz emateko joera dute Samuelek eta Leirek.

29. Iparraldetik hegoaldera (AIH-001/052)

Samuel eta Leireren ustez iparraldeko gazteek joera gehiago dute hegoaldera joateko, alderantziz baino.

30. Iparraldeko euskal "sarea" (AIH-001/054)

Leirek eta Samuelek diote euskal sare osasuntsu eta dinamikoa badela Lapurdi, Baxe Nafarroa zein Xiberuan.

31. Euskararen etorkizunari buruz (AIH-001/063)

26na urte dituzte Leirek eta Samuelek, eta argi dute ez luketela nahi belaunaldiz belaunaldi jasotako hizkuntzaren etena euren erruz gertatzea.

32. Dantza taldean (AIH-001/065)

6 eta 8 urterekin hasi ziren euskal dantzak ikasten. Euren euskal izaerari estuki lotua ikusten dute dantzan aritzea. Dantza irakasle ere badabiltza.

33. 6 urterekin dantzan ikasten hasi (AIH-001/067)

Leire dantza egiten ikasten hasi zenean, frantsesez jaso zituen eskolak urte oso batez, irakasleak ez baitzekien euskaraz. Gaurko haurrek hastapenetik dute euskaraz ikasteko aukera.

34. Leire eta Samuel, Aiherrako Herriko Etxeko hautetsi (AIH-001/069)

22 urtez jarraian euskal abertzalea ez zen auzapeza izan du Aiherrak. Egoera hori aldatu nahian, zerrenda mixto bat osatu zuten zenbait herritarrek Aiherran, 2014.urteko bozetarako. Zerrenda horren partaide dira Leire eta Samuel, eta hautetsi dira, gaur egun.

35. La langue de la République est le français (AIH-001/073)

Euskararen ofizialtasuna hurrin ikusten dute Leirek eta Samuelak Lapurdi, Baxe Nafarro eta Zuberoan. Aurrerabide bakarra Europatik etor litekeen presioan ikusten dute.

Ahotsak.eus-eko edukiarekin sortutako dokumentu automatikoa.
2025-12-03

CC-by-sa | Ahotsak.eus
Badihardugu Euskara Elkartea
Markeskua Jauregia, 20600 Eibar
943121775 - ahotsak@ahotsak.com